

MOCIÓN DE SOMOS CAMBADOS PARA QUE O PROXECTO DO **REGULAMENTO XERAL DE COSTAS TEÑA EN CONTA AS** **DEMANDAS DO SECTOR DO MAR**

Constantino Cordal Rodríguez, con DI 35.452.897-F, concelleiro do Ilmo. Concello de Cambados, en base ao disposto nos artigos 91.4 e 97.3 do Regulamento de Organización, Funcionamento e Réxime Xurídico das entidades locais e demais normativa que poida resultar de aplicación, presenta, diante do Pleno da Corporación esta moción, en base á seguinte

EXPOSICIÓN DE MOTIVOS

O 19 de marzo publicouse mediante procedemento de audiencia e información pública o proxecto de Real Decreto que modifica o Regulamento Xeral de Costas. O devandito regulamento establece, entre outros puntos as condicións, a duración e o custo das concesións concedidas no dominio público marítimo-terrestre e son, polo tanto, aplicable a tódalas empresas que requiran de ocupación no litoral.

A Dirección Xeral de Sostibilidade da Costa e do Mar elaborou de xeito opaco unha modificación para a que non contou coa participación e visión dos sectores que viven do mar. O resultado foi un texto no que se mostra un claro descoñecemento da economía pesqueira galega e a singularidade dun sector que debido a súa natureza ou vinculación co mar debe estar na franxa costeira. Así mesmo parece ser o preludio dunha reforma de gran alcance da Lei de Costas, unha norma crucial para a supervivencia dos múltiples sectores económicos que dependen directa e indirectamente da ocupación de parte do dominio público marítimo-terrestre.

Os cambios introducidos polo proxecto do Real Decreto supoñen a eliminación indiscriminada de tódolos artigos que regulan as extensións das concesións e a drástica modificación da interpretación do momento dende que se contabilizan, sen incluír distincións para os sectores que pola súa natureza deben estar no litoral . Ata o de agora a concesión comezaba a contar a partir da solicitude da extensión, baixo o novo criterio será dende a data da concesión orixinal co que a Dirección Xeral de Sostibilidade da Costa e do Mar arrebatara unha media de 30 anos ás concesións, poñendo en perigo a viabilidade dos investimentos e do emprego.

Resulta unha premisa errónea que a ocupación parcial de estas localizacións polos sectores que o veñen ocupando tradicionalmente non forma parte do interese público ligado ó dominio público e que sexa incompatible co desfrute recreativo da sociedade en xeral.

Os sectores vinculados ao mar demostraron plenamente a sostibilidade ambiental das súas instalacións, forman parte das actividades tradicionais do tecido económico produtivo das nosas comunidades e son unha parte substancial da cohesión social e interterritorial das rexións costeiras. A simbiose perfecta que forma parte da idiosincrasia local e non pode ser ignorada por razóns absolutamente inxustificadas como as que parecen estar na base da reforma en curso.

Dependencia económica de Cambados do sector do Mar

Cambados é un concello que vive do Mar. O cambio normativo pon en risco a viabilidade e o futuro das nove depuradoras localizadas no litoral de Cambados que conxuntamente xeran máis de 200 empregos directos e que son responsables de dar saía a produción marisqueira e bateeira. Unha produción marisqueira que supón outros 400 postos de traballo xestionados a través da Confraría de Pescadores de Cambados.

Cambados sitúase como un dos concellos que dependen en maior medida do Mar como se pode comprobar a través dos datos ofrecidos polo Instituto Galego de Estatística no ano 2015 a través do informe "Análise do sector da pesca". Supoñendo o Sector da Pesca unha achega entre o 10% e o 20% do produto interior bruto de Cambados. A importancia non só é local, Cambados sitúase como o oitavo concello galego que máis aporta o valor engadido do sector da pesca.

Por todo o exposto, consideramos que a Xunta de Galicia e o Goberno do Estado debe atender as reivindicacións dos sectores vinculados ao mar. Con esta finalidade, o Pleno da Corporación do Concello de Cambados

ACORDA

1º. Instar á Xunta de Galicia e o Goberno do Estado a:

1.- Negociar cos sectores vinculados ao mar para acadar un acordo que permita que o proxecto do Regulamento Xeral de Costas teña en conta as súas reivindicacións.

2.- Negociar e acadar un acordo para que se teña en conta no proxecto do Regulamento Xeral de Costas e nos artigos que regulan o prazo das concesións, para as actividades económicas vinculadas a pesca e o marisqueo e que pola súa natureza deben estar no litoral, se comece a contar o prazo da concesión a partir da solicitude da extensión e non dende a data da concesión orixinal.

2º. Dar traslado do presente acordo a Xunta de Galicia e ao Goberno do Estado.